

Kan Lalpa Isua Krista chu khawvelah hian a lo kal leh thuai dawn a ni. He thu hi khawvela a awm lai, kum 2000 liam taa a tiam a ni (John 14:1-3). Engtingnge a lo kal leh ngei dawn a ni tih kan hriat ang le? Lal Isuan hun hnuhnunga thil thleng tur a sawi te kha han chhiar la. Uluk taka chhiarin tunlai huna thil thleng mek te nena khaihin chuan Isua hi tun kan dam chhung ngei hian a lo kal leh dawn a ni tih a Chiang hle awm e.

1 TEMPLE CHHIAT TUR THU

Tin, Pathian biak in ata chu a kal chhuah laiin a zirtirte zinga mi pakhatin ahnenah, "Zirtirtu, en teh, a lung leh a inte hi a ropui the a nial!" a ti a. Tin, Isuan a hnenah, "Heng in nasa tak hi i hmu maw? tihchim lohva lung intiangreng reng hetah a awm lo vang," a ti a (Mathaia 24:1-2; Marka 13:1-2; Luka 21:5-6).

2 A LO KAL LEHNA TURA CHHINCHHIAHNATE

Tin, Oliv Tlanga Pathian biak in zawna a thut laiin Petera te, Jakoba te, Johana te, Andria te chuan a hnenah, "Chung chu engtikah nge a lo awm ang? chung zawng zawng chu a thlen dawnhunah chhinchhiaha engnge awm ang? min hrilh rawh," tiin an zawt ru a (Mathaia 24:3; Marka 13:3-4; Luka 21:7).

3 BUMTU AN LO CHHUAK ANG

Tin, Isuan an hnenah, "Tuman an tihder loh nan che u fimkhur rawh u. Mi tam tak 'Krista chu ka ni,' tiin keima hming chhalin an lo kal ang a, mi tamtak an tihder ang (Mathaia 24:4-5; Marka 13:5-6; Luka 21:8).

4 INDO THU LEH INDO THU THANG

Tin, indo thu leh indo thu thangte in hriat hunin mangang suh ang che u; chung chu a lo thleng tur reng a ni; nimahsela tawpna chu a la ni rih lo vang (Mathaia 24:6; Marka 13:7; Luka 21:9).

5 HNAM HRANG HRANG INDO | LIRNGHING | TAM

Tin, an hnenah, "Hnam hrang leh hnam hrang an indo vang a, ram hrang leh ram hrang an indo vang a; lir nasa takin a nghing a nghing ang a, hmun hrang hrangah tamte a tla ang a, hrite a leng bawk ang a; van atangin thil hlauhawmte leh chhinchhiaha nasa takte a lo awm ang (Mathaia 24:7; Marka 13:8; Luka 21:10-11).

6 Chung zawng zawng chu nau vei tantirhna a ni

(Mathaia 24:8; Marka 13:8).

7 KRISTIANTE TIHDUHDAHNA

Nimahsela chung thil zawng zawng thlen hma chuan an man ang che u a, inkhawmna inah leh tan inah hruaiin an tiduhdah ang che u a, keima hming avangin lalte leh hotute hmaah an hruai ang che u. In thiam channa a la ni hlei hlei ang (Mathaia 24:9; Marka 13:9; Luka 21:12-13).

8 Tin, an hruai che u a, an mantir hunah che u chuan, 'Engnge ka sawi ang,' tiin ngaihtuah lawk suh u; a hun takah chuan a hriattir che u apiang, chu ngei chu sawizawh rawh u; a sawitu chu nangni in ni dawn si lo va. Thlarau Thianghlim a ni Zawh ang (Marka 13:11; Luka 21:14-15).

9 CHHUNGKAW INPHATSANNA

Tin, in nu leh in pate, in unaute, in laichinte, in thiante pawhin an mantir ang che u; a then an tihlumtir ang che u. Keima hming avangin mi zawng zawng huat in ni ang. Nimahsela in samzai khat pawh a boral lo vang.

In chhelin in nun in chhanhim ang (Mathaia 24:9-10; Marka 13:12-13; Luka 21:16-19).

10 HMANGAIHNA A DAI ANG

Tin, sual a la pun dawn avangin mi tam zawh hmangaihna chu a la dai ang (Mathaia 24:12-13).

11 Tin, he ram Chanchin Thahi hnam zawng zawng hriattirna turin khawvel zawng zawngah hrilhin a awm ang; chu mi zawhah chuan tawpna chu a lo thleng ang (Mathaia 24:14; Marka 13:10).

12 JERUSALEM CHHIAT TUR THU

"Nimahsela sipaihoten Jerusalem khua an hual in hmuh hunah, a boral dawn tih hria ang che u (Luka 21:20)." Chutichuan, titiautu tenawm, zawlnei Daniela sawia kha, hmun thianghlima dinga in hmuh hunah chuan (a chhiar apiangin a awmzia hre rawh se) Judai rama awmte chu tlangahte tlan bo rawh se; in chung a awm chu a ina englo chuh turin chhuk suh se; tin, lova awm chu a puan chuh turin kir leh suh se (Mathaia 24:15-18; Marka 13:14-16; Luka 17:31; 21:21). ni chuan raite leh nau no pawmte chung chu a pik ang. Tin, in tlan bo hun tur chu thlasikah emaw, Chawlhniah emaw a lo thlen loh nan tawngtai rawh u (Mathaia 24:19-20; Marka 13:17-18; Luka 21:23). Tin, khandaihah an thi ang a, hnam tin hnenah sala hruaiin an awm ang; tin, Jentailte ni a kin hma loh zawng Jerusalem khua chu Jentailte rah behin a awm ang (Luka 21:24).

13 JAKOBA MANGANNA NI

(Jer 30:6-7) Chung ni chu hrehawmna ni a ni dawn si a, chutianga nasa reng reng chu Pathian siam leilung pian tirh ata tun thlengin a la awm ngai lo va, engtikah mah a lo awm leh tawh hek lo

vang. Tin, Lalpan chung nite chu titawi suh sela mihring reng reng damin an chhuak lovang; nimahsela mi thlan, a ruatate avang chuan nite chu a titawi a ni (Mathaia 24:21-22; Marka 13:19-20; Luka 21:23). Chung ni chu phuba lak ni a ni e, thu an ziak zawng zawng a lo thlen theihna turin (Luka 21:22).

14 KRISTA DERTE LEH ZAWLNEI DERTE

"Chutih hunah chuan tupawhin in hnenah, 'En teh, Krista chu heta hi a awm,' emaw, 'Heta hi,' emaw, an tih chuan awi suh ang che u. Krista derte leh zawlnei derte an lo chhuak dawn si a, chung chuan thei ang sela thlante meuh pawh an tihder theih nan chhinchhiaha leh thilmak ropui takte an ti ang. Ngai teh u, ka hrilh lawk tawh che u hi (Mathaia 24:23-25; Marka 13:21-23). Chutichuan, in hnenah, 'Ngai teh u, thlalerah a awm,' an tih che u chuan, kal chhuak suh u; 'Pindan chhungrilahte a awm,' an tih che u chuan, awi duh suh u. Kawl, chhak lamah a lo phe chhuak a, thlang lam thleng pawhin a lang thin a, Mihring Fapa lo kal lehna chu chutiang chu a ni dawn si a (Mathaia 24:26-27; Luka 17:23-24).

15 NIAH TE, THLAAH TE, ARSIAH TE

CHHINCHHIAHNA A AWM ANG
"Nimahsela, chung ni hrehawm hnu lawkah chuan ni tihthimin a awm ang a, thla a eng tawh lo vang a, van atangin arsita a lo tla ang a, van thiltihtheihnate chu tihngin a ni ang; (Mathaia 24:29; Marka 13:24-25; Luka 21:25)." Tin, niah te, thlaah te, arsiah te chhinchhiaha a awm ang a; tuifinriat rum leh a fawn avangin leiah pawh hnam tin



hrehawmna leh manganna a thleng ang; thlabar avang leh khawvela thil lo thleng tur chu ngaihtuah avangin mite an thidang ang; van thiltihtheihnate chu a nghing dawn si a (Luka 21:25-26).

16 Chutih hunah chuan Mihring Fapa chhinchhiahna chu vanah a lang ang. Chu mi hunah chuan leia chi tinin an awmte an inchum ang a, Mihring Fapa hi thiltihtheihna leh ropuina nasa tak nen van chum chung a lo kal ang hmu ang. Tin, a vantirhkohte chu, tawtawrawt ri nasa tak nen a tir chhuak ang. Anni chuan a thlante chu kawil kil li ata – van tawp atanga a tawp lehlam thlengin – a lawr khawm ang (Mathaia 24:30-31; Marka 13:26-27; Luka 21:27).

17 Tin, chung thil chu a lo thlen tirhin, en chho ula, dak chhuak rawh u; in tlanna tur chu a hnaih tak avangin,” a ti a (Luka 21:28).

18 “Tichuan, theipui kungah hian a tehkhin thu zir rawh u” A tang a lo no va, a hnah a lo chawr chuan nipui a thaw dawn tih in hre thin; chutiawng bawkin nangni pawhin chung zawng zawng chu in hmuh hun chuan amah chu a lo hnai tawh a, kawngka bul ngeiah a awm tih hria ang che u (Mathaia 24:32-33; Marka 13:28-29; Luka 21:29-31). “Nimahsela, chu mi ni leh a hun thu chu Pa chauh lo chuan tuman, vana vantirhkohte pawhin, Fapa pawhin an hre lo (Mathaia 24:36; Marka 13:32).

19 “Tin, NOVA DAMlai ang baw kha Mihring Fapa lo kal lehna chu a ni ang. Chung ni tuilet hmate chuan Nova lawnga a luh ni thlengin an ein an bar a, nupui pasal an innei thin; tui a lo let a, an zaa a lak bo vek hma loh chuan engmah an hre lo va; Mihring Fapa lo kal lehna chu chutiawng baw a ni ang (Mathaia 24:37-39; Luka 17:26-27).

20 “Chutiawng bawkin LOTA DAMlaiin a lo awm; an ein an bar a, an leiin an hralh a, an chingin an sa thin a; nimahsela Sodom khua ata Lota a chhuah ni chuan van atangin mei leh kat a sur a, an zain a tihlum ta vek a. Chutiawng bawkin Mihring Fapa hi a rawn inlar ni chuan a awm ang (Luka 17:28-30).

21 Lota nupui hre reng rawh u. “Tupawh a nun humhimna zawng apiangin a chan ang a, tupawh a nun chan apiangin a humhim ang” (Luka 17:32-33).

22 Chu mi hunah chuan lovah mi pahnih an awm ang a; pakhat chu kal bopuiin a awm ang a, pakhat chu hnutchhiahin a awm ang. Hmeichhe pahnih buh rawt sawmnaah chuan buh rawt sawmin an awm ang a, pakhat chu kal bopuiin a awm ang a, pakhat chu hnutchhiahin a awm ang (Mathaia 24:40-41; Luka 17:34-36). Tin, anni chuan a hnenah “Lalpa khawiah maw?” an ti a, an chhang a. Tin, ani chuan an hnenah, “Saruang awmna apiangah mulukawlhte pawh an awm ang,” a ti a (Mathaia 24:28; Luka 17:37).

23 INRING RENG A AWM TUR
Mi, a in kalsan a, a bawite chu thu neihtir a, an hnathawh tur pe theuhva, kawngkhar vengtu pawh inrin tur thu pe zeta ram hla taka zin ta daih ang a ni. Chutichuan inring rengin awm rawh u; in neitupa lo haw hun tur chu tlai lamah nge, zanah nge, ar khuanah nge, zingah nge a nih dawn in hre si lo; chutilochuan a lo haw phutin, muhilin a rawn hmu hlah dah ang che u (Marka 13:34-36).

24 Nimahsela, hei hi hre rawh u, rukru a lo kal hun tur in neitua hria sela, a veng ang a, a in a reh pawhtir lo vang. Chuvangin, nangni pawh inring rengin awm rawh u, in rin loh hunah Mihring Fapa a lo kal dawn si a (Mathaia 24:43-44).

25 “Amaherawhchu fimkhur rawh u, chutilochuan ei puar lutuk nen, zu ruih nen, dam chhung khawsak ngaihtuah nen, in rilru a khat lutuk hlah ang a, chu mi ni chuan thang awk angin thawklehkhatan in chungah a lo thleng phut ang. Chutiawng tak chuan lei chung zawng zawng a awmte chungah chuan a thleng theuh dawn a ni (Marka 13:33; Luka 21:34-35).


26 Chutichuan chung thil lo thleng tur zawng zawng chu pumpelth tlakah leh Mihring Fapa hmaa ding tlaka ruat in nih theihna turin, eng lai pawhin tawngtai chungin ngaihvun rawh u,” a ti a (Luka 21:36).

27 Tih tak meuhvin ka hrilh a che u, chung zawng zawng chu a thlen kim hma loh zawng tun lai chhuante hi an ral lo vang. Lei leh van a ral ang a, ka thu erawh chu a ral lo vang (Mathaia 24:34-35; Marka 13:30-31; Luka 21:32-33).

Tin, ani chuan aw ring takin, “A rorel hun chu a lo thlen tak avangin Pathian chu hlah ula, chawimawi rawh u; van te, lei te, tuifinriat te, tuihna te siamtu chu chibai buk rawh u,” a ti a (Thu. 14:7).

**HUN TAM
I NEI TA LO**
Pathian ram a lo thleng dawn ta Sual sima Pianthar a hun ta

Isua Krista hi a lo kal leh thuai dawn e I Pathian tawh turin I inpeih tawh em?



PATHIAN

RAM

CHANCHINTHA



Hreciang duhtan angel tv-ah a en theih
www.angeltv.org | www.jesusministries.org

MIZO | INDIA